



Page: 22

Reach: 0

Country: BOSNIA AND HERZEGOVINA

Size: 1350 cm2

1 / 2



**DOGAĐAJ
NEDJELJE**

Detalji iz akcije
Damask

SIPA izvela operaciju Damask i hapsila širom BiH

Vehabijiski militanti uskoro u pritvoru

SIPA predala 14 uhapšenih Tužilaštvu • Onima za koje se dokaže da su se borili na ratištima u Siriji i Iraku i koji su to sami potvrdili bit će izrečena trogodišnja zatvorska kazna

Nakon što su saslušani u Državnoj agenciji za istrage i zaštitu (SIPA), 14 osumnjičenika za terorizam uhapšenih u akciji Damask jučer je predato Tužilaštvu BiH na saslušanje, nakon čega će biti odlučeno o daljnjim mjerama. Kako je saopćeno, za neke će biti predložena mjera pritvora, a za druge mjere zabrane. O ovome će, kažu u Tužilaštvu, javnost biti upoznata danas.

Kako je Oslobođenje već pisalo, u akciji SIPA u kojoj je učestvovalo oko 200 policajaca uhapšeni su Husein Bilal Bosnić, Hamdo Fojnica, Muhamed Džerahović, Emin Hodžić, Adem Karamuja, Mirza Kapić, Ibrahim Delić, Eduard Durguti, Senad Hukić, Enes Mešić, Elvir Muratović, Sedim Huseinović, Fiket Zukić, Avdullah Hasanović i Jasmin Jašarević, pod sumnjom da su u vrhu vehabijskog pokreta koji djeluje u BiH. Zukić i Fojnica su nakon saslušanja pušteni na slobodu.

Akcija je rađena po nalogu Suda i Tužilaštva BiH, a nakon prikupljenih dokaza da se osumnjičene osobe dovode u vezu sa finansiranjem, organiziranjem i vrbovanjem bh. državljana za odlazak i učestvovanje u oružanim sukobima u Siriji i Iraku, boreći se na strani radikalnih terorističkih grupa i organizacija na ovim područjima. Onima za koje se dokaže da su se borili na ratištima u Siriji i Iraku i koji su to sami potvrdili bit će izrečena trogodišnja zatvorska kazna.

Protesti kao odgovor

Akcija hapšenja vehabija ponovo je digla javnost u BiH na noge. To se naročito odnosi na pripadnike vehabijskog pokreta, pa se tako već špekulira kako kao odgovor na akciju spremaju proteste u Sarajevu. O opasnostima od vehabijskog pokreta u BiH već dugo se govori, a državna Obavještajno-si-



Bektašević zbog terorizma osuđen na osam godina



Ikanović vojni zapovjednik IS-a

gumosna agencija (OSA) o svojim saznanjima godinama upozorava i obavještava nadležne. Prije tri godine direktor OSA Almir Džuvo je upozorio Parlament BiH i javnost kako u BiH djeluje oko tri hiljade vehabija i da su zbog svojih radikalnih protudržavnih stavova, posjedovanja oružja, pa i terorističkih napada najozbiljnija prijetnja miru i opstanku države. On je tada naveo da su u svakom trenutku spremni na terorističke akcije, uz naznaku da OSA o tome ima precizne podatke i dokaze. Po njegovim riječima, panika i strah uhvatili bi svakog građanina kada bi znao na što su sve spremne

vehabije, među kojima je najviše onih koji su regrutirani iz redova kriminalaca i narkomana. Još ranije, o vehabijama, načinima i djelovanju pokreta upozoravao je i javno govorio akademik Rešid Hafizović, profesor Fakulteta islamskih nauka u Sarajevu. On je tada, između ostalog, dramatično upozorio da vehabije dolaze po našu djecu.

- Nisam siguran hoće li institucije naše zemlje, i državne i religijske, imati više priliku da uopće reagiraju, na bilo koji način, na ono što im agresivni članovi vehabijske zajednice budu u budućnosti priredili. To će reći da ve-

Reisova poruka

Deutsche Welle piše da Islamska zajednica (IZ) u BiH nema saznanja o eventualnim vezama vehabija iz BiH sa vehabijskim, odnosno islamskim centrima u drugim zemljama. Na molbu Deutsche Wellea da prokomentira odlazak bh. državljana na strana ratišta i nasilje koje se u Siriji i Iraku provodi u ime islama, rukovoditelj Ureda za odnose sa javnošću Rijaseta IZBiH Ekrem Tucaković ponovio je stav IZ-a da je "neprihvatljiva svaka vrsta nasilja i ugrožavanje života nevinih ljudi". On podsjeća i na riječi reisu-l-uleme IZBiH Huseina ef. Kavazovića: "Neka muslimani razmisle u čije su se falange upregli i čije oružje u rukama drže. Slušam neke naše ljude kako na našem lijepom bosanskom jeziku neodgovorno i u srdžbi drže zapaljive govore, misleći da se time pomaže onima za koje misle da su na pravoj strani".



habijski militanti više ne dolaze samo po našu djecu, jer je to faza koju su prevazišli, već sada dolaze po tapiju na ovu zemlju i njene institucije, kazao je u intervjuu za naš list 2010. godine.

Hafizović je tada naveo i da se to najbolje vidi iz činjenice "što militantni članovi ove zajednice na najdramatičniji način iskazuju nepoštivanje prema pravosuđnim institucijama ove zemlje, a državni organi ne reagiraju i ne pomišljaju da zaštite njen ustavnopravni poredak".

Samoprogllašeni vođa

- Da neko od ovih pregrijanih vehabijških junova nešto slično kaže ili učini u Saudijskoj Arabiji, zemlji iz koje takvu doktrinu oni i donose u Bosnu, javno bi mu na trgu odrubili glavu. Ali, ovo nije Saudijska Arabija, već Bosna, čiji predstavnici vlasti toleriraju svaku uvredu izrečenu na njen račun. Mislim, čak, da ni Islamska zajednica ovakvim svojim stavom prema vehabijskim atacima neće biti pošteđena, jer vehabijski militanti ne prezaju u svom nečasnom djelovanju potrošiti svaku, pa i najsvetiju vrijednost. Kakve stvarno veze ima islam sa onima koji čine razbojništva, ubijaju državne činovnike ove zemlje i atakuju na obrazovni i ustavnopravni poredak ove zemlje? Naravno, nikakve, istakao je 2010. Hafiafizić, naglašavajući da "nema

Otpor i zaborav

Vehabije koje su nastanjene u Gornjoj Maoči (gdje je, pored ostalih, bila i akcija Damask), osim u džamijama, uzurpirale su i školski prostor gdje su organizirale ilegalnu školu prema Jordanskom obrazovnom sistemu i na arapskom jeziku. Isto su pokušale uraditi i u džamiji u Konjicu, te Karadžoz-begovoj džamiji u Mostaru, gdje su naišle na otpor. U februaru 2011. oko 600 policajaca učestvovalo je u spektakularnoj akciji u vehabijskom uporištu u Gornjoj Maoči, kada je nekoliko njih uhapšeno. Svi su nakon saslušanja pušteni i sve je ubrzo zaboravljeno.

Vehabijskom zajednicom u BiH dugo je vladao samoprogllašeni vođa Nusret Imamović, koji je prv...

Page: 22

Reach: 0

Country: BOSNIA AND HERZEGOVINA


Size: 1350 cm2

2 / 2



Zaboravljeni vođa iz Kalesije

Pripadnici vehabijskog pokreta predvođeni Jusufom Barčićem 2007. iz Kalesije su promarširali središtem Sarajeva i tako su tada demantirali tvrdnje Islamske zajednice, prema kojima tog ekstremnog pokreta u BiH nema. Glavni zagovornik okupljenih i školovan u Saudijskoj Arabiji predvodio je nasrtaj na Carevu džamiju, kada su vehabije pokušale na silu ući u džamiju u središtu Sarajeva kako bi u njoj obavile svoj molitveni obred koji se znatno razlikuje od tradicionalnog islama kakav se tu prakticira, kao i u BiH uopće. Tada je poslala imala i policija koja je spriječila veći sukob među vjernicima. Zbog pokušaja Barčića i njegovih sljedbenika da održe predavanje, vrata Careve džamije tada su bila prvi put zaključana u gotovo 500 godina. Okupljene Sarajlije su tog dana uzvikivale: "Vratite nam našu djecu, bolesne budale!", "Vi ste sekta luđaka", "Bradonje, odlazite iz Bosne, mi vas nismo zvali"... Barčić, kojeg su vehabije svojevremeno zvali i svojim vodom, iste je godine poginuo u saobraćajnoj nesreći.



U akciji učestvovalo 200 policajaca

starih i novih muslimana, ali da ima vehabija".

Vehabijskom zajednicom u BiH dugo je vladao samoproglašeni vođa Nusret Imamović, koji je prvo živio u Gornjoj Maoči, a onda otišao u Brčko. Trenutno je nedostupan organima gonjenja. Upravo se njegovo ime označava kao ime glavnog inspiratora da Mevlid Jašarević na američku ambasadu u Sarajevu ispuca više od 100 metaka iz kalašnjikova. Njegova predavanja u kojima je članove vehabijskog pokreta u Gornjoj Maoči huškao protiv "američkih okupatora", navode se u policijskim izvješćima, a služila su kao sredstvo zavodenja, koje je rezultiralo napadom na zgradu američkog veleposlanstva, ali i nizom drugih terorističkih djela koja su se dogodila na prostoru BiH posljednjih godina. O tome da je i Imamović otišao u Siriju, nema zvanične potvrde.

Bajro Ikanović iz Hadžića, kojem je suđeno zbog terorizma, jedan je od vojnih zapovjednika Islamske države Iraka i Sirije (ISIS). Podsjećamo da je upravo Ikanović sa Mirzom Ganićem akter ranije objavljenog videosnimka obraćanja mudžahida iz Sirije, a Ganić još jednog u kojem omladinu s Balkana poziva na džihad. Ikanović je, inače, bio akter prve presude za terorizam u BiH. Pravosnažno je 2007. osuđen na četiri godine zatvora. Prvo-

optuženi Mirsad Bektašević dobio je osam, a Abdulkadir Cesur šest godina zatvora. Osuđeni su za pripremu terorističkih napada na ambasade zapadnih zemalja. Ikanoviću je stavljeno na teret da je posredovao u nabavci gotov 20 kg eksploziva. Tokom policijske akcije nađeni su i samoubilački pojasevi, kao i videokasete s uputstvima za pripremu terorističkih akcija, što je istražitelje dovelo do zaključka da se mladići iz naše zemlje godinama indoktriniraju pričama o džihadu kao pozitivnom primjeru pomoći ugroženim muslimanima širom svijeta.

Kenan Bijedić iz Visokog je vojni instruktor ISIS-a u Siriji, a Midhat Đono iz Hadžića je prevoditelj bh. državljanima koji su pripadnici terorističkih formacija u Siriji. Pouzdano se zna i to da su se Enver Lilić, Nermin Spahić, Muhamed Meo i Semir Vatrić vratili u BiH s ratišta u Siriji i Iraku. Abdulah Ibradžić, Aldin Alibašić, Fikret Hadžić, Emir Hodžić, Mevludin Ahmedspahić vratili su se u BiH i ponovno otišli na ratišta u Iraku i Siriji.

Na ratištima u tim zemljama su i dalje Haris Sivac iz Zenice, Mevludin Cicvara iz Viteza, Djamel Boutrif, koji ima alžirsko i bh. državljanstvo, Jasmin Keserović, Vildan Ključo, Bećir Hadžić, Advan Mijatović, Edin Alijev, Mirzet Mahmutović, Kenan Kršo iz Sarajeva, Suad Čolić...

Amra Brkić-Čekić

živio u Gornjoj Maoči, a onda u Brčkom